



MAGNIFICIS, AMPLIS-
SIMIS AC PRUDENTISSIMIS

Viris, Dominis Consulibus, Senatuique inclytæ

*Reipub. Gedanensis: Dominis perpetua
observantia colendis.*

DAVID PAREUS S.



In quibus ego post tot veterum: atque re-
centium Theologorum absolutissimas
commentationes in Divi Pauli ad Ro-
manos Orbis Dominos principem Epi-
stolam, novi Commentarii evulgatio-
ne videbor actum egisse, & quod dicitur
post Homerum Iliada: illi existiment ve-
lim, idem diu & mihi visum fuisse, seu me, seu conatum
meum, remque ipsam intuerer. Quid enim à me tenuissi-
mæ eruditionis homine prodire possit sat dignum politis-
simis seculi huius iudiciis, quòdve aliqua parte cū veterum
Commentariis videatur comparandum, quibus excel-
lens doctrina, sanctimonia, ætas & veneranda canities.
proximam à literis sacris auctoritatem in Ecclesia iam pri-
dem conciliavit, quique interpretibus recentioribus vix
quicquam reliquisse videntur, quod dicendo scribendo-
que non occuparint, suumque fecerint: adeo ut hinc ma-
ximè sit verum illud, nihil dici posse, quod non dictum sit
prius? Neque absuit metus, ne fortè temeritatis notam
subirem cum multis, quorum scribendi *κακον* *ἔργον* *divinus*
Ecclesiastes iam olim perstrinxit. Et hæc quidem domi *Eccle. 2. 12.*